

松滋縣志卷之第十六

人物

熊翬爲文考之師三閭擅詞賦之祖迨後宋玉景差文雄三楚則松人士之薰被實遠焉姑舉勝國如傳中書之謨猷伍忠襄之功烈王謝祖孫父子之科名范龐田周後先之繼起外此或爲循吏或爲名儒未易更僕數也况

國朝作人之化比隆往代維楚有材松豈無人歟爰松滋縣志 人物 卷之第十六 一 志往昔以觀來者作人物誌

呀

傅瓛吳元年授江西行省陳友諒旣平同李善長揚憲中書省叅知政事錄廢官豁連坐定律令多所建明丙午正月命中書省錄用劾退官員省臣傅瓛曰今天下更化庶事方殷諸司官吏非精勤明敏者不足以集事此輩皆以迂緩不稱職爲法司劾退豈宜復用帝曰人之材能各有長短故治

効亦有遲速夫質樸者多迂緩狡獪者多便給便給者雖善辦事或傷於急促不能無損於民迂緩者雖或於事有所不逮而於民則無所損也獄丞諭遂錄用天下廢官一吳元年六月帝謂中書省臣傅瓛等曰法有連坐之條謂侵損傷人者吾以爲鞠獄當平恕非大逆不道則罪止及其身先王之政罪不及孥罰弗及嗣忠厚之至也自今民有犯者毋連坐傅瓛等對曰先王用刑時輕時重自

松滋縣志

人物

卷之第十六

二

元政姑息民輕犯法非重治之則犯者益衆帝曰民之爲惡譬如衣之積垢加以澣濯則可以復潔汚染之民以善導之則可以復新夫威以刑戮而使民不敢犯其爲術也淺矣且求生於重典是猶索魚於釜欲其得生難矣故凡從輕典雖不求其生無死之道命中書省定律令以李善長爲總裁官論傅瓛等曰立法貴在簡當使言直理明人人易曉若條緒繁多或一事而兩端可輕可重使奸

貧之吏得以黃緣爲奸則所以禁殘暴者反以賊
良善非良法也務求適中以去煩弊夫網密則水
無大魚訟密則國無全民鄉等宜各盡心叅究凡
刑名條目逐日來上吾與鄉等面議斟酌之庶可
爲久遠之法 洪武元季八月詔中書省及臺部
集耆儒議便民事宜上諭中書省曰近京師火四
方水旱相仍朕夙夜不遑寧處豈刑罰不申徭役
屢興賦歛不時以致陰陽乖戾而朕也朕與鄉等

松滋縣志

人物

卷之第十六

三

同休戚宜輔朕修省以消天譴叅政傅瓛對曰古
人有言天心仁愛人君則必出災異以譴告之使
知懼自省人君遇災而能儆懼則天變可弭今陛
下修德省愆憂形於色居高聽卑天實鑒之願臣
等待罪宰輔有乖調燮貽憂聖衷咎在臣等帝曰
君臣一體苟知儆懼天心可回鄉等其盡心力以
匡朕不逮

李志永樂中舉人拜監察御史剛毅執汰宣德間

屬國朝貢不至命志擊之志奏曰朝貢雖缺遽加以兵非懷遠之道遂罷兵

王本義成化丁酉解元任成都府同知所著有東崖集月華賦行於世

伍文定字時泰父琇官少叅生六子文定最少幼磊落以經世爲志弘治己未進士授常州府推官以事忤劉瑾坐免瑾誅起嘉興同知遷河南南知府適江西華林寇亂改知吉安文定詢知姦二履任

松滋縣誌

人物

卷之第十六

四

卽誅首惡數十賊黨膽落宸濠叛先遣劇賊犯吉安屬邑文定擒之迎都御史王守仁倡義起兵遂將前鋒攻破南昌濠師還救迎戰於黃家渡文定立矢石中督戰火燎其鬚不爲動隨出大牌書寧王已擒我軍無得縱殺賊見驚擾遂潰濠擒捷聞遷江西按察司歷提督撥江平江寇及海寇世宗初論功蔭子同楊慎等議大禮忤上意以功大未謹因致仕等起遷大司馬督師滇黔時苾部不靖

欲乘兵威殄之以伸威百蠻與御史戴金爭論不合致仕歸卒於家萬曆間補謚忠襄

田瓊字廷珮號玉峰童子登第十六名由教諭陞揚州府學校授所至果藝有方賑恤單寒能使名士蔚興咸佩公德以致子婿濟濟獲登賢書爲闔邑之望蓋公之盛德有以基之也至生子經綸締綏繪緒維繼紹其九人綸鄉貢教諭綏進士行人繪鄉貢寧夏經歷維中式第十七名浙江定海訓

松滋縣誌

人物

卷之第十六

五

導陞河南上蔡教諭壻王達湖州府學訓導其餘諸子咸屬青衿梓里號稱具慶云

田綬字大章號石泉弘治壬戌進士仕至行人童子登科田瓊之第四子也有詩名

王相之解元工詩畫尤善龍頭每幅出都人奉爲球璧重價購之呼爲小解元龍頭云蓋前解元本義之子也

范希賢號水南以孝廉隱於家生而穎悟絕人少

時隨父應元宰蜀教之讀書輒過目成誦季二十
餘登嘉靖癸卯鄉試又甲丁未副榜及癸丑應公
車北上至南陽值故叅政謝公櫬還里范道哭之
甚慟爲之經紀喪事遂不復北去偕其視歸家自
是卽絕意仕進性端嚴不喜干謁足跡不出戶外
者數十年每巡方使者及新令至輒想見其爲人
然范未嘗一至其庭也尤酷好讀書上至天文地
理下及人物虫魚靡不搜覽所著有水南文集行

松滋縣誌

人物

卷之第十六

六

世至白鼠詩梅花詩及雪詩百首效蘓黃近體尤
爲一時傳頌不絕又置義田以給族之貧者撫按
上臺咸高其節旌其廬一曰清風高節一曰聖世
遺儒云季八十餘卒於家崇祀鄉賢

龐泰狀字裕予中萬曆丁酉鄉試善古文詞博通
經術領袖羣英若西陵之雷思霈宜都之劉芳節
石首之曾可前咸敬禮之大志未究輿論交惜

王其勤壬子癸丑鄉會皆第五號少月初任無錫

縣令甫下車錫舊無城垣卽與士大夫約欲創啓
雉堞深浚濠塹時公年方十九邑中父老虞其果
於任或難有終忽一日集衆開工人多驚異迨夫
役遽至則丈量繩索諸具悉出署中城基四圍丈
尺不爽分寸公復多方勸助晨夕躬行督視不數
月而錫城以完錫民尙未見德迨倭寇突至蘓松
常鎮等處屠擄甚慘公命移城外居民避倭城內
間出精壯截其剽掠城內生靈賴以保護者數萬

松滋縣誌

人物

卷之第十六

七

萬計蓋修城之力居多而守禦之功尤鉅也陞戶
部主事出轄淮權歷陞兵部職方司郎中旋里詩
酒自娛者三十年本邑祀鄉賢無錫祀名宦錫人
復另立廟祠之凡一應所禱俱往其處號小王爺
廟至今存

周天祚字永錫號白石天啓乙丑進士初任四川
南京縣樂易慈祥務從寬簡朕復興利除害不避
權勢豁寬抑於久沉反丁徃於豪貴院道以異才

聞行取入京陞戶部主事因力裁冗費遂數忤中
璫若輩多方掣肘百凡排擠毫不獲展其所長竟
齋志以歿死之曰書篋衣被而外一無所餘同官
歛貲殮於京師時人以清介比海公云初公貧而
好學既登賢書不事干謁邑宰趙之庠延接紳士
時輒有聞名莫見之嘆及舉進士隸仕籍公爾忘
私國爾忘家不置田產不起第宅俸祿所餘則濟
貧周急橐無餘金至于孝友性成事兄如父雖宦

松滋縣志

人物

卷之第十六

八

成之日必稟命焉本邑祀鄉賢蜀人祀名宦

伍縉仕至光祿署丞博學篤行仁慈性生排難解
紛出人於顛危之中而絕口不言充樂施子生平
隨事周急難以悉數獨其大者如天啓乙丑丙寅
迭經歲凶邑人賴之

伍起宗字止薛早經歲薦復應保舉之辟初任廣
西藤縣甫到任卽政令一新士民咸頌神君出其
經濟之才凡有補於藤者無不悉心經理事載澄

南集中最可異者藤人養生而不送死死卽以其
棺置古木末方爲申詳院司道無論新舊死亾俱
令置土中而藤人始知有塋埋之禮矣且地近猺
窟撫慰有方無復向日梗化者監司直指上其狀
舉卓異行取戶部主事隨值丁艱旋里繼遭世亂
大才未竟時人惜之有澄南初政集

潘游龍字鱗長邑庠生流寓吳門遂家焉傳極羣
書尤長經濟有志而未逮也其所著有康濟譜治

松滋縣誌

人物

卷之第十六

九

要錄史學提要古今詩餘醉四書申註宋元史刪
等書行世

趙元貞下九都人明萬曆己未選貢初任武昌江
夏教諭課諸生皆一時名士如經略熊公諱廷弼
者公一見卽器重之迨熊公功在邊陲人咸服公
知人且以見教育之功云後遷南京六安州知州
甫到任遇饑老幼皆流離公賑濟活人甚衆公之
三世孫諱誓捷字翰英縣庠生好學力行端方

直爲士林所推重生子三長瑞字白瑞邑庠明末
同父母走亂遇賊請代父母死賊義而釋之繼母
張兄弟事之謹如事生母羅者次璋字奉我庚午
歲貢生次琮字上玉中甲子榜兄弟自相師友積
學日富補弟子員者之元之仕之儼入太學者之
敬皆爲公五世孫故並附之

國朝

李自郁字文叔號敬庵順治辛丑進士弱冠登第

松滋縣志

人物

卷之第十六

十

力行孝友至議論文章根據理學觀政吏部年方
廿餘遽爾早世時人惜之始祖本黃姓因避建文
之難從外父姓僑寓松滋遂世其家至建文時大
臣百川公子澄後裔也

盧永傳字公遠明丙午舉人希頤之子中庚子鄉
試第六十八名舉人奉

旨減額裁爲副榜十五名少穎異積學日富試皆高
等造就多士以副車後閉戶修養有志方外

善人附

李覺先字慧生下四都民其人雖生於草野而端
慤性成樂施好與爲善不倦於鄰里族黨中有孤
幼無依者爲之撫育婚嫁無資者爲之成全絕口
不言報其教子弟以正勸鄉人以善由是薰其德
而善良者甚衆

國朝初邑中猶有流寇餘孽負嶠深山乘機擄掠人
妻女皆勒以金贖且限以日過期卽盡殺之覺先

松滋縣志

人物

卷之十六

十一

當避亂湖中聞此涕泣不忍遂盡出家貲代爲贖
取於是保全人妻女數十命誠仁人君子之用心
也邑人士咸艷稱其德康熙癸亥歲邑侯高公聞
其賢爰詳請於上旌表其門並得賜以善人名年
八十二始終信爲善之報也